

Siverth K. Heilmann (A)  
Knud Kristiansen (A)  
/MAANI

## Nunaqavissunik atorfinitsitsisarneq pillugu § 37-imut akissuteqaat

8. maj 2012

Sags nr.: 2012-

Postboks 1605

3900 Nuuk

Tlf. (+299) 34 50 00

Fax (+299) 32 20 42

E-mail: tax@nanoq.gl

www.nanoq.gl

Asasakka Siverth K. Heilmann aamma Knud Kristiansen

Apeqquutissinnut qujanaq, taanna matumuuna akissuteqarfigineqassaaq:

### **Siunissami nunaqavissut pisortat suliffeqarfiini atorfinnilu qaffasinnerusumik tigusinissaannik taamaalilluni avataaniit sulisussanik tikisitsisarneq annikillisarnerlugu pilersaarusiukkamik qanoq Naalakkersuisut suliniuteqarpat?**

#### **AKISSUT:**

Naalakkersuisut anguniakkamut isumaqataalluinnarput, tassalu atorfinni qaffasinnerusuni nunaqavissut amerlanerusut pigilissagivut. Ukiamut Naalakkersuisunit 2025-imut pilersaarummi saqqummiunneqartussami, takuneqarsinnaassaaq, meerartatta atugarissaarnerisa qulakkeerneqarnissaani aqqutissat pingaarnarpaat ilagigaat ilinniagaqarneq. Tamatumalu uunga ingerlateqqissavaatigut, tassalu nunaqavissut atorfinnik piginnaasaqarnissamik piunasaqartitsisunik isumaginnissinnaassasut tamakkumi akuttunngitsumik amelanerusunik aningaasarsiaqarfigineqartarmata.

Sulinermut tamatumunnga aallaaviuvoq ilinniagaqarnissamut periusissaq Inatsisartunut saqqummiunneqarnikuusoq.

Pisortanit atorfinitsisarnernut aalajangersimasumik apeqquaqarassi, oqaluttuarisinnaavara, Aningaasanut inatsimmi aningaasanik immikkoortitsisoqarsimammat najukkami inuttassarsiorsinnaanissamut periarfissanik pitsanngortitsisussanik, kiisalu sulisunik nunaqavissunik piginniinnarsinnaanermut ilinniagaqarfiginnissamullu atugassanik. Aningaasanik ilinniagaqarfiginnissamut immikkoortitanik aalajangersimasumik atuneq naliliivigineqassaaq, ingerlaavartumillu iluarsaanneqartassalluni kissaateqarnerneq naapertorlugu tassalu qulakkeerneqassasoq, suleqataasut piginnaasaasa aqqissuussaannikkut pisariaqartitsinermut naapertuuttuunissaat.

Tamakku saniatigut ukiut tamaasa Namminersorlutik Oqartussat Danmarkimi atorfinittussarsiorlutik ataatsimeersuartitsisarput, tamatuma siunertaraa kalaallit ilinniagaqartut aamma kalaallit ingerlatseqatigiiffiutaasa akornanni aqqutissiuussinissaq.

Ikinngutinnersumik inuulluaqqusillunga

Maliina Abelsen